



Kommuneqarfik Sermersooq

Isumaginninnermut, Suliffeqarnermut Inuussutissarsiornermullu
Ingerlatsivik
Forvaltningen for Velfærd, Arbejdsmarked og Erhverv

Ulloq /Dato : 27-05-2016
J.nr.: 40.13.02

Utoqqaat Siunnersuisoqatigiivisa isumasioqatigiinnerannit imaqarniliaq

Ingerlanneqarpoq: Tallimanngorneq 27. maaji 2016 nal. 09:00-16:00

Uani: MIA-mi ataatsimiittarfik, Imaneq 23

Ilaasortat

Else Lea Olsen, siulittaasoq Nuuk)
Laannguaq Lyngø, siulittaasup tullia (Nuuk)
Jakob Thorsen (Paamiut)

Pisinnaajunnaarlutik nalunaartut

Lone Rosengreen Pedersen
Peter Davidsen
Ane Egede Mathaeussen
Storm Ludvigsen
Jonas Napatoq (Ittoqqortoormiit)

Ingerlatsivimmeersut

Grethe Nielsen (Pisortaq)
Kirsten Bødker (Suliatigut ingerlatsisoq)
Annelise Valbak (Suliatigut ingerlatsisoq)
Kamilla Falsted Dihle (siunnersorti)

Saqqummiisut

Peter Mattaag (Immikkoortortami aqutsisoq)
Mika Eliassen (Puiguttortunik sullissinnermi ataqatigiissaarisooq)
Lise Lotte Have (Pillorissaasut aammalu timimik sungiusaasut suleqatigiit aqutsisuat)

Isumaginninnermut, Suliffeqarnermut Inuussutissarsiornermullu Ataatsimiitameersut

Malene Lyngø
Charlotte Ludvigsen

Imaqarniliortoq: Kamilla Falsted Dihle

Oqaluuserisat

- 1) Tikilluaqqussineq
- 2) Utoqqarnik sullissivimmi immikkoortortami aqutsisunik ilisaritsineq
 - a. Angerlarsimaffimmi ikiorti
 - b. Pilutaq
 - c. Nakkutilliinerit pillugit nalunaarusiat
 - d. Utoqqarnik sullissineq pillugu nalinginnaasumik eqqartuineq, tamatumani utoqqarnut inissiaqarfiit Utoqqaat Illuata (UI) eqqaaniittut
- 3) Pillorissaasut aammalu timimik sungiusaasut suleqatigiit aqutsisuannik aamma Puiguttortunik sullissinnermi ataqatigiissaarisumik ilisaritsineq
 - a. Puiguttortunik sullissinerup killiffia pillugu naatsumik saqqummiineq
 - b. Isumaginninnermi teknologiip killiffia pillugu saqqummiineq
- 4) Nutaarsiaasat naatsut pisortaneersut, tamatumani isarussanut tapiissutit

Kommuneqarfik Sermersooq

Postboks 1005, 3900 Nuuk, Grønland Tlf.: (+299) 36 70 00 E-mail: kommuneqarfik@sermersooq.gl

Ammasarfiit

Ataa. – Ping. 10.00 – 15.00
Sisamanngorneq 12.00 – 17.00
Tallimanngorneq 10.00 – 12.00

Ábningstider

Man. – Ons. 10.00 – 15.00
Torsdag 12.00 – 17.00
Fredag 10.00 – 12.00

GER-nr. 31290937

Bankkonto 6471-1000052
PBS-kreditor nr. 01938681

- 5) Utoqqarnik sullissinermut pilersaarut
- 6) Apeqquutit oqallinnerlu
- 7) Ataatsimiititaliamik ataatsimeeqateqarneq

Imm. 1 pillugu) Grethe H. Nielsen tikilluaqqusisuuvoq.

Utoqqaat Siunnersuisoqatigiiviniq suleqateqarneq pingaaruteqarlunnartuuvoq Grethe H. Nielsenimut erseqqissaatigineqarpoq, nalunaarutigaa ataavartumik oqaloqatigiittoqartarnera ingerlatsivimmit iluarisimaarneqartoq. Utoqqarnik sullissinermi massakkut akimmiffiit naatsumik nassuiarpai, tamatumani napparsimaneq pissutigalugu sulinnngitsuuqaloqartarnera sulisunillu ilinniarsimasunik amigaateqartoqartarnera erseqqissaatigalugu. Tamatuma saniatigut siunissami akimmiffissat soorlu utoqqaat amerliartornerat aamma eqqaavaa. Naggasiutigalugu oqaatigaa, utoqqarnik sullissinermi akimmiffinnik nalaataqartoqartarneranik pinngitsoortitseqataasartunik utoqqaat soorluttaaq Utoqqaat Siunnersuisoqatigiivini ilaasortat qujanartumik amerlasuunik eqeersimaartortaqartut.

Annelise Valbak utoqqarnik sullissinermi suliatigut ingerlatsisugallartutut imminut ilisaritippuq. Kingornatigut isumasioqatigiinnermi peqataasut tullerilaarlugit ilisaritinneqarput. Naggasiutigalugu isumasioqatigiinnermi ingerlanneqartussat paasissutissallu sammisamut/nut tunngasut Annelise Valbakimut saqqummiunneqarput.

Imm. 2 pillugu) Utoqqarnik sullissivimmi immikkoortortami aqutsisunik ilisaritsineq.

- a) Peter Mattaaq angerlarsimaffimmi ikiortit pillugit saqqummiivoq (ilannugsaq 1). Angerlarsimaffimmi ikiortinut tunngatillugu inatsisit naapertugassat aningaasaqarnikkullu killiliussat ingerlatsivimmit tunngavigineqartut Peter Mattaaq-mit nassuiarneqarput. Tamatumunnga atatillugu maleruagassat pitsaassutsimut tunngasut utoqqarnut siunnersuisoqatigiinni ilaasortanut tunniunneqarput. Illoqarfimmi ataatsimi innuttaasut amerlassusaat tunngavigalugit angerlarsimaffimmi ikiortit amerlassusaat kiisalu angerlarsimaffimmi ikiortit suliaasaat pillugit paasissutissat takussutissanngorlugit saqqummiunneqarput:

- Inummik paaqqutarinninneq
- Eqqiaaneq
- Niuerniaqataaneq
- Atisanik oqorutinillu errorseqataaneq
- Nunaqarfinni solarertaqataaneq imertaqataanerlu

Angerlasimaffimmi ikiortit ilinniarsimasunik sulisussarsiortarneq ingerlallualerliartortoq ingerlalluarneruleqperiarnissaali sulissutigineqartariaqartoq Peter Mattaamut oqaatigineqarpoq.

Tamatuma saniatigut oqaatigaa, pissutsinik malittareqqiartorluni sineriammi illoqarfiit tamarmik siunissami tikeraarumaarlugit

Else Lea Olsenip oqaatigaa, innuttaasut utoqqaat ataatsimuualartarnissaminnik oqaloqateqartarnissaminnillu pisariaqartitsisut tamatumani pissutsit atuuttut kisiisa nalilerneqartarnerat naammanngitsoq. Tarnikkut ikorfartorneqartarnissaq pingaaruteqarpoq.

Tamatumunnga atatillugu Annelise Valbakip erseqqissaatigaa, oqaloqateqartarneq tarnikkullu ikorfartorneqartarneq maleruagassani pitsaassutsimut tunngasuni ilannngitsut, kisianni sullissinermi allattorsimaffiup angerlarsimaffimmi ikiortinut naapertuussap nutarterneqarnissaanut qaqilertorneqarumaartut. Pisariaqarpat innuttaasup nammineq pingaarnersiuffigisinnaasaanik allannngortinneqarsinnaasumik aqqissuussisoqartarsinnaavoq. 2016-imi maleruagassat pitsaassutsimut tunngasut politikkikkut akuerineqareerput.

Laanguaq Lyngep oqaatigaa, pulaartartoqartalernissaa anguniarlugu angerlarsimaffimmi ikiortit sulinerisa aaqqissuussaannerat allanngortinneqassasoq.

Else Lea Olsenip ilisimatitsissutigaa, innuttaasunik aallerlutillu apuussisartunik biilini ingelatsisartut massakut marluusut, tamatumunngalu atatillugu biilini ingelatsisartut biilini inisseeriaasiat tupigusuutigalugu.

Annelise Valbakip oqaatigaa, biilini ingelatsinernik nalunaarsuiffinnik massakut peqanngitsoq, kisianni biilini ingelatsisartut ingerlaarfigisimasaat takusinnaalernissaat angujumallugu atuuttussanngujalersut. Bussit ingelatsissutaasartut aserorterneqaratarsinnaanissaat aamma eqqarsaatigalugu unnuakut sumi inissinneqartarnissaat pillugu aalajangiisoqarnissaa sulisutit ingeqarpoq.

Else Lea Olsenip oqaatigaa, bussit utoqqarnit utoqqaat peqatigiiffianeersunit atornerarsinnaannginnerat naammagittaalliutigineqarsimasoq.

Laanguaq Lyngep oqaatigaa, ingelatsinissamut pilersaarutit utoqqarnik sullissisunit akisussaaffigineqanngitsut.

Jakob Thorsenip ilisimatitsissutigaa, utoqqaqartoq ikiorneqarnissamut qinnuteqarsinnaannginnermik kinguneqartumik angerlarsimaffimmitt nammineq anisinnaanngitsunik aamma immersugassanik nammineq immersuinissaminnut ajornakusoortitsisunik. Tamatuma saniatigut ilisimatitsissutigaa, innuttaasut utoqqaat kommuni immikkoortortaqarfiinut assigiinngitsunut uteqattaartinneqarlutik innersuunneqartarneq siumortaraat, oqaatigaalu tamanna akuersarneqarsinnaanngitsoq.

Tamatumani pineqartut pinngitsoortikkumallugit siunnersuisarfimmik pilersitsisoqarnikuusooq Peter Mattaamit ilisimatitsissutigineqarpoq.

Else Lea Olsenip ilanngullugu oqaatigaa, Paamiuni utoqqaat kommuni immikkoortortaqarfiinut assigiinngitsunut innersuunneqartarneqat kommuni kisiat atuutinngitsoq, napparsimmavimmili saaffigininnermi tamanna aamma atuuttoq.

Kamilla Falsted Dihlep oqaatigaa, tamatumani ajornartorsiut utoqqarnik sullissinnermut pilersaarummi tunngavigalugu pitsaassutsikkut sullissinnermi aqutsinnermilu pinngitsoortinniarneqarnissaa pingaartinneqartoq.

- b) Peter Mattaap Pilutaq pillugu ilisimatitsissuteqarpoq. Pilutaq atuisunit siunissami aqunneqalissasoq aalajangerneqarpoq. Sulisut arfinilinnit marlunnut 2016-imi septembarip aallaqqaataani ikilineqassasut ilimagineqarpoq. Igaffimmik ingelatsineq Piorsaavimmit akisussaaffigineqassaaq. Sammisassaqaartitsinissanut pilersaarusiinnermi innuttaasut peqataatinneqartassapput, suliaasannillu nammineq agguasassapput.

Else Lea Olsenip ilisimatitsissutigaa, Pilutaq utoqqaat peqatigiiffiat peqatigalugu eqqartorneqarsimasoq. Ullukut sukisaarsaartarfik siunissami allatut ingelanneqalertussanngornera qujanarpoq.

Laanguaq Lyngep apeqqutigaa, innuttaasut Pilutamut innersuunneqartassanersut imaluunniit Pilutaq kikkunnit tamanit ornigarneqarsinnaasunngorlugu ingelanneqalissanersooq.

Peter Mattaap ilisimatitsissutigaa, innuttaasut Pilutamut innersuunneqartassasut. Tamatuma saniatigut ilisimatitsissutigaa, innuttaasunik Pilutami sapaatip-akunneri marluk tulluuttut ingelanneranni ataatsimiititsisoqarumaartoq.

Else Leap oqaatigaa, Pilutami allannguisoqarnissanut atatillugu Utoqqaat Siunnersuisoqatigiivisa ataatsimiigaaqquneqarnissaat pingaaruteqartoq.

Peter Mattaap nalunaarutigaa, ataatsimiigiaqqusisoqarnissaa pilersaarutaasoq.

- c) Annelise Valbak nakkutilliinerit pillugit nalunaarusiat pillugit saqqummiivoq (ilanngussaq 2). Annelise Valbakiq oqaluttuaraa, ingerlatsivik paaqqinniffinni, utoqqaat illuanni aamma utoqqaat najugaqatigiiffianni kommunip avataaneersoq Else Marie Larsen 2016-imi februaarip 15-ianiit apriliip 21-ata tungaanut nakkutilliisissimagaa.

Nakkutilliineri ataani allassimasut misissorneqarput:

- Nakkutilliinerit ingerlanneqartarnerannut tunngaviit
- Sumiiffiit nakkutigineqartartut
- Piffissat nakkutilliinerit ingerlanneqartarnissaannut pilersaarut
- Innersuussutit
- Suliniutit erseqqissut aallartinneqareersut
- Aqutsineq pillugu immikkut ukkataqarneq
- Akimmiffiit immikkut ittut

Else Lea Olsenip ilisimatitsissutigaa, innuttaasut utoqqaat ilaasa oqaluttuarisimagaat kommunip paaqqinniffiini kalaaliminernik sassaalliisoqaqusaajunnaarlunilu nerisoqaqusaajunnaarsimasoq.

Annelise Valbakiq oqaatigaa, Tasiilami Ittoqqortoormiini utoqqaat najugaqatigiiffiini kalaaliminernik pisinissamut immikkut ittumik missingersuusiortoqarsimasoq, aamma kalaaliminernik sumiiffinnit allanit pisisariaqartartut. Tamatumani soorunami apeqqutaavoq pisiarineqartartut naammannersut.

Tamatumunnga atatillugu Peter Mattaap oqaatigaa paatsoortoqarsimassasoq. Ullukut sukisaarsaartarfimmi kalaalimertornissamut aningaasanik katersisoqartarnikuvoq, sulisaarsaartarfimmiittartulli ilaat avitseqatigiinnissamut taamanikkut akissaqanngimmata kalaalimertornissamut aningaasanik katersisarneq unitsinneqarallapoq.

Jakob Thorsen kommunip utoqqarnik paaqqinnittarfiini ilaqtanik pulaartoqartarneq pillugu oqaaseqaateqarpoq. Tamatumani oqaatigaa, malittarisassat ersarissut piffissat pulaarfiusartunut tunngasut saqqumitinneqarnissaat pingaaruteqartuusoq.

Tamatumunnga atatillugu Annelise Valbakiq oqaatigaa, ilaqtat qaqugukkulluunniit takkussinnaallutillu ingerlasinnaasut tamatumani tikilluaqqusaasutut misigisimanissaat pingaaruteqartuusoq. Tamanna ingerlateqqinneqassaaq.

Else Lea Olsenip ilisimatitsissutigaa utoqqaat peqatigiiffianni ilaasortat Nuummi Utoqqaat Illuanni pulaartartut, tikilluaqqusaanngitsutulli misigisimasartut. Tamanna sulisut ataatsimiinneranni aaqqiissuteqarfigniarlugu sulissutigineqaqikkumaarpoq. Paaqqinnittarfini pulaartarnermut tunngatillugu Utoqqaat Siunnersuisoqatigiit nuannersunik misigisaqartarnissaat pingaaruteqarpoq.

Tamatumani Laanguaq Lyngep erseqqissaatigaa, utoqqaat illui aqqissuussanik ingerlatsisoqartarnissaanut qaammatikkaartumik pilersarusiornikuusut.

- d) Matumani immikkoortoq oqaluuserineqanngilaq.

Imm. 3 pillugu) Pillorissaasut aammalu timimik sungiusaasut suleqatigiit aqutsisuannik aamma Puiguttortunik sullissineri ataqatigiissaarisumik ilisaritsineq

- a) Puiguttortunik sullissinerup killiffia pillugu naatsumik saqqummiineq (ilanngussaq 3). Mika Eliassen puiguttortunik sullissineri ataqatigiissaarisutut imminut ilisaritippoq, oqaatigaalu innuttaasunik puiguttortunik oqaloqateqarneq immikkut ittumik paaqqutarineqarnissamik pisisariaqartitsisut pisisariaqartitaannik suussusersineq sulineri

ingerlanneqartartut pingaarutillit ilagigaat. Kingornatigut nappaatip puiguttornerup killiffii assigiinngitsut pingasuusut; sakkukitsumik puiguttorneq, ingasanngitsumik puiguttorneq aamma sakkortuumik puiguttorneq nassuiaatigai. Illoqarfinni innuttaasut assigiinngitsunik killiffeqarlutik puiguttortut amerlassusaasa kisitsinngorlugit takussutissartaat saqqummiuppai. Taamatuttaaq puiguttortunik sullissinermi atortut ikorfartuutit atuuttut suunersut Mika Eliassenimit aamma nassuiarneqarput.

Laanguaq Lynge atortut ikorfartuutit assigiinngitsut pillugit aperivoq innuttaasunik puiguttortunik angerlarsimaffimmi sivilisinerusumik pulaartitsisinnaanermut iluaqutigineqarsinnaanersut aamma madrassit utoqqaat illuinit pissarsiarineqarsinnaanersut.

Mika Eliassenip nalunaarutigaa, atortut ikorfartuutit sulisut oqilisaanneqarnissaannut taamatuttaaq innuttaasut puiguttortut nammineq angerlarsimaffimminni sulii najugaqartut ulluinnarni toqqissisimanerunissaannut atugassiaasut.

Else Lea Olsenip erseqqissaatigaa, puiguttortunik sullissinerup killiffia pillugu saqqummiisoqarnera qujanartoq. Kajumissaaruteqarneralu malillugu tuaviuuteqanngitsumik saqqummiisoqartassasoq allanneqarpoq.

- b) Lise Lotte Have isumaginninnermi teknologii killiffia pillugu saqqummiivoq (ilanngussaq 4). Lise Lotte Have pillorissaasut aammalu timimik sungiusaasut suleqatigiit Ingerlatsivimmeersut aamma pitsaaliulluni timimik sungiusaasooq nutaq utoqqarnut 75-ileereersunut pitsaaliuarterluni pulaartartussaq aamma atorfinnut atatillugu kommunip illoqarfiinut assigiinngitsunut angalasartussaq pillugit naatsumik nassuiaateqarpoq. Tulliullugu isumaginninnermi teknologikkut atortunik 2 mio. kr.-t nalinganut pisiortortoqarsimasooq nassuiaatigaa. Tamatumunnga atatillugu puiguttortut, suliffimmi avatangiisit aamma innuttaasut piginnaasakitsut immikkut ittumik suliniuteqarfiusussaassapput. Atortut ikorfartuutit Nuummukartut, Paamiunukartut Qeqertarsuatsiaanukartullu tikereerput. Atortut ikorfartuutit Tasiilamukartut Ittoqqortoormiunukartullu umiarsuakkullu nassiusaasut aasaru tikissapput.

Else Lea Olsenip oqaatigaa, utoqqaat pitsaaliulluni timimik sungiusaasumik pulaartoqartalernissartik sungiusarnissaminnullu ikiorneqartalernissartik qilanaarigaat. Tamatumani Else Lea Olsen aperivoq, inummik ataatsimik illoqarfinni pineqartuni innuttaasunut pisariaqartitsisunut tikeraartitsisarnissaq naammannersooq.

Lise Lotte Have akivoq, ingerlatsiviup utoqqaat 75-ileereersut amerlassusaat tunngavigisimammagit inuup ataatsip pulaariartortarnissaa naammattoq.

Annelise Valbakip oqaatigaa, pitsaaliulluni pulaartitsisoqartarnissaa inatsisitigut piumasaqaataanngitsooq, ingerlanneqartarnissaali kommunalbelstyrelsimi ilaasortanit aalajangerneqarsimasooq.

Imm. 4 pillugu) Kirsten Bødker nutaarsiassat naatsut pisortaneersut, tamatumani isarussanut tapiissutit pillugit saqqummiivoq (ilanngussaq 5).

Kirsten Bødker isarussanut tapiissutit pillugit maleruagassat inatsisillu pillugit naatsumik nassuiaavoq. Aappariinnut utoqqalinersiutilinnut siusinaartumillu soraarnerussutisilinnut tapiissutigineqartartut ikinnerpaamik 9.000 kr.-upput kisimiittunullu tapiissutigineqartartut ikinnerpaamik 6.000 kr.-upput, tamatumani tapiissutigineqartussat aningaasartuutit aalajangersimasut tamarmik tunngavigalugit amerlassusilerneqartarput. Isarussanut tapiissutit pillugit paasissutissat amerlanerusut ingerlateqqinneqarumaarput.

Jakob Thorsenip ilisimatitsissutigaa, immikkoortoq isarussanut tapiissutitut tunngasoq pingaaruteqartoq apeqqutigaa isarussanik pisinermut tapiissutitut qinnuteqarnermi piumasaqaatit eqquutsinneqartussat pillugit paasissutissanik allaganngorlugit

saqqummiussanik peqarnersoq. Tamatuma saniatigut kommunimut saaffiginninnermi pitsaaneruseqarpoq. Paasissutissiisoqartarnissaa sullissisoqartarnissaalu kissaatigaa.

Grethe H. Nielsenip nalunaarutigaa, ilisimatitsissutigineqartoq allanneqartoq malittareqqiivigineqarumaartorlu.

Else Lea Olsenip oqaatigaa, tamatumani inatsisit atuuttut Namminersorlutik Oqartussanit aalajangerneqartarnerat aamma kommune tamatumani inatsisit atuuttut tunngavigalugit ingerlatsisarpoq innuttaasunut erseqqissaassutigineqassasoq. Utoqqaqarporli inuunertik tamangajaat sulisimanertik tamannalu pillugu ataqqineqarusunnertik pissutigalugit tapiiffigineqarnissamut qinnuteqarsimanermut atatillugu akuerineqarsimannginnertik pillugu akueriuminaatsisisartunik. Ataatsimut isigalugu tamatumani kommune sunik neqerooruteqartarnersoq pillugu paasissutissiisoqartarnissaa kissaatigineqarpoq.

Tamatumunnga atatillugu Jakob Thorsenip oqaatigaa, tamatumani inatsisit atuuttut siunertaat erseqqissarnagit suliarineqarsimasut. Innuttaasut inatsisit pillugit paasissutissiivigineqarnissaat anguniarlugu anneruseqarpoq sulissuteqartoqassaaq.

Grethe H. Nielsenip oqaatigaa, paasissutissiisoqartarnissaa pingaaruteqartoq siunnersuutigaa illoqarfinni tamani kaffillernertalimmik innuttaasunik ammasumik ataatsimiisitsisoqassasoq.

Kirsten Bødkerip naggasiutigalugu nalunaarutigaa, isarussanik pisinnermut tapiiffigineqarnissamut qinnuteqarnermut atatillugu naatsorsueriaasissanik siunnersuusiorumaarluni. Siunnersuusiai utoqqarnut siunnersuisoqatigiit tulliani ataatsimiinneranni saqqummiunneqarumaarput.

Imm. 5 pillugu) Kamilla Falsted Dihle Utoqqarnik sullissinnermut pilersaarut pillugu saqqummiivoq (ilannugsaq 6).

Kamilla Falsted Dihlep utoqqarnik sullissinnermut atatillugu utoqqarnik sullissinnermut pilersaarut politikkilu taamatuttaaq utoqqarnik sullissinnermut pilersaarutip aqqissuussaanera, siunertai suliniuteqarfisassai nassuiarpari.

Utoqqarnik sullissinnermut pilersaarutip immikkoortortanut pingasunut agguarneqarsimanera nassuiarneqarpoq:

- Nalunaarsueqqissaarneq/sumiiffilersuineq
- Ineriartortitsineq
- Atuutilersitsineq

Utoqqarnik sullissinnermut pilersaarummi siunertat ataani allassimasut nassuiarneqarput:

- Nammineq angerlarsimaffigisami eqeersimaartumik sapinngisamik sivisunerpaamik inuuneqarneq
- Paaqqutarinninneq pillugu utoqqarnut siunissami neqeroorutit
- Innuttaasumik qitiutitsineq

Suliniuteqarfiusussat ataani allassimasut nassuiarneqarpoq:

- Piginnaanngorsaaqqinneq
- Isumaginninnermi teknologii
- Peqqissusermik pitsanngorsaaneq Pitsaaliuinerlu
- Nammineq kajumissutsimik sullissineq
- Puiguttortut pillugit suliniuteqarneq
- Najugaqariaatsit tungaatigut nutaaliorluni allannguneq Atoruminassuserlu
- Paaqqinniffinni isumaginninnerup tungaatigut piginnaasaqarneq
- Utoqqarnik isumaginninnerup pitsaasuunissaanik qulakkeerinninneq
- Sulianik suliarinninnerup allaffissornerullu pitsaasuunissaannik qulakkeerinninneq

Imm. 6 pillugu) Apeqqutit oqallinnerlu.

Else Lea Olsenip utoqqarnik sullissinermut pilersaarut pillugu innuttaasunik ataatsimiititsinernit imaqarniliortoqarsimanersoq apeqqutigaa erseqqissaatigalugulu siornatigut apeqqutigineqareersimasut.

Tamanna Kamilla Falsted Dihlep tusaatissatut tigunerarpaa nalunaarutigalugulu innuttaasunik ataatsimiitsinerni innuttaasut siunnersuutaat immikkoortiterlugit nalunaarsukkat ingerlateqqinneqarumaartut, taamaasilluni innuttaasut siunnersuutaat qanoq aaqqissuunneqarsimanersut takuneqarsinnaanngussammat.

Tamatumunnga atatillugu Laanguaq Lyngep apeqqutigaa, innuttaasunik peqataatitsinerup ingerlarnga pillugu naliliisoqarsimanersoq.

Jacob Thorsenip Arsummi innuttaasunik ammasumik akulikinnerumik ataatsimiitsisoqartarnissaa kissaatigaa.

Tamatumunnga atatillugu Kirsten Bødkerip oqaatigaa, Arsummi innuttaasunik sapaatit-akunnerit pingasut matuma siorna ataatsimiitsisoqartoq.

Imm. 7 pillugu) Ataatsimiititaliamik ataatsimeeqateqarneq

Grethe H. Nielsen tikilluaqqusisuuvoq.

Else Lea Olsen Utoqqarnut Siunnersuisoqatigiit - 2013-imi pilersinneqartoq aamma marlunnik Nuummeersunik, ataatsimik Paamiuneersumik kiisalu ataatsimik Ittoqqortoormiimeersumik ilaasortaaqartut - sinnerlugu oqaaseqartuuvoq. Ataatsimiititaliap utoqqarnik sullissinerup tungaatigut siunissami qanoq iliortoqarnissaa pillugu aalajangiinissaa aamma Utoqqaat Siunnersuisoqatigiit ataatsimiititali ukiumoortumik naapittarnissaa pingaaruteqarpoq.

Malene Lyngep oqaatigaa, utoqqarnik sullissinermi suliat amerlasuut ingerlanneqarsimasut tamatumunngalu atatillugu apeqqutigalugu tamatumanis pitsanngorsaaniissamat Utoqqaat Siunnersuisoqatigiit siunnersuutissaqarnersut.

Laanguaq Lyngep oqaatigaa, aallartinniarusaartoqarsimasooq pingaarnerpaatulli suliassaq; utoqqarnik sullissinermut pilersaarut Utoqqarnut Siunnersuisoqatigiit sunniuteqaqataaffigisaannik sularineqareersimasooq.

Laanguaq Lyngep oqaatigaa, Utoqqarnut Siunnersuisoqatigiiffianni ilaasortat piffissaq ilaasortaafigisassaasa qaangiunnissaa ukioq ataasiujunnaartoq.

Jakob Thorsenip erseqqissaatigaa, Utoqqaat Siunnersuisoqatigiit atuuffiata innuttaasunut pingaaruteqassussaa innuttaasunut ilisimatitsissutigissallugu taamatuttaaq utoqqarnut siunnersuisoqatigiit ileqqoreqqusat Utoqqarnut Siunnersuisoqatigiivinit naapertorneqartussat malillugit sulianik ingerlatsinerat innuttaasunut erseqqissaatigineqarnissaa pingaartuusoq.

Charlotte Ludvigsenip nalunaarutigaa, Utoqqaat Siunnersuisoqatigiivini naapitsinini nuannaarutigalugu. Utoqqarnik nammineq kajumissutsiminnik sullissisunik aamma utoqqaat pisariaqartitaannik ingerlatitseqqiisinnaasunik naapitsilluni nuannerpoq. Sulilluarnersi pillugu nersualaarusuppassi.

Malene Lyngep Utoqqarnut Siunnersuisoqatigiit oqaaseqaataat ilassuteqarfigai tamatumanilu erseqqissarlugu Utoqqarnut Siunnersuisoqatigiit ukiup matuma ingerlanerani anguneqartussatut kissaataat piviusunngortinneqarnissaannut piviusorsiorpalaartumik anguneqartussanngorlugit aaqqissuunneqassasut. Tulliullugu oqaatigaa, utoqqarnut siunnersuisoqatigiit nittarsaanneqarnerussasut aamma Tasiilameersumik massakkut ilaasortaqartoqanngitsooq.

Grethe H. Nielsenip oqaatigaa, utoqqarnik sullissinerup tungaatigut suliniutinik amerlasuunik ukiuni kingullerni aallartitsisoqarsimasoq, tamatumanilu suliniutit ataani allassimasut erseqqissarneqarput:

- Angerlarsimaffimmi ikiortinik/tut pikkorissartitsinerit
- Ippiarsummi inissat nutaat
- Paamiuni Tasiilamilu utoqqaat illuinik nutaanik pilersitsinissanik missingersuusianut ilanngussineq
- Ittoqqortoormiini utoqqaat najugaqatigiiffiannik iluarsartuussineq alliliinerlu
- Utoqqarnik sullissinermut pilersaarut
- Pillorissaasarnep tungaatigut patajaallisaaneq
- 2 mio kr.-nik nalilinnik isumaginninnermi teknologikkut atortunik pisiortorneq
- Ataatsimiititaliamit kommunalbestyrelsenimillu saniatigut tapiissuteqarneq

Grethe H. Nielsenip aamma ilisimatitsissutigaa, Utoqqarnut Siunnersuisoqatigiit Tasiilameersumik nutaamik ilaasortaqlarnissaannut atatillugu kommunalbestyrelse juunimi aalajangiiumaartoq.

Else Lea Olsenip kommunalbestyrelse Utoqqaat Siunnersuisoqatigiit atuuffia pillugu maleruagassanik ersarissunik tunniussaqaassasoq kissaatigaa. Tamatuma saniatigut aamma oqaatigaa, ataatsimiinnissaagaluit taamaatsinneqartarnerat pissutigalugu ataatsimiinnissat ingerlanneqarnissaat ajornakusoortarsimasoq. Ullumikkut ataatsimiinneq pissarsiaqarnarpoq, ataatsimiinnerilli ilaannikkut eqiinganerusumik ingerlanneqarsimasinnaasaraluarput.

Charlotte Ludvigsenip aamma kissaatigaa, Utoqqaat Siunnersuisoqatigiivisa pingaartitaat ersarinnerusumik saqqummiunneqassasut.

Jakob Thorsenip oqaatigaa, Nuummi nunaqarfinnilu atugassarititaasut Paamiuni Arsummilu atugassarititaasunut sanilliullugit pitsaanerusut.

Else Lea Olsenip nalunaarutigaa, utoqqaat sammisassaqaqtitsisoqartarneranik amigaateqartut.

Laanguaq Lyngep kissaatigaa, utoqqaat pillugit politikki piffissami matumani qinigaaffiusussami naammassineqassasoq.

Grethe H. Nielsenip nalunaarutigaa, Utoqqaat Siunnersuisoqatigiit atuuffia utoqqarnik sullissinermut pilersaarummi erseqqissarneqarsinnaasoq.

Utoqqaat pillugit politikkimut atatillugu Else Lea Lyngep oqaatigaa, imaa annikippallaartoq.

Kamilla Falsted Dihlep oqaatigaa, utoqqaat pillugit politikki massakkut atuuttoq allaqqitassaasoq aamma paasiuminartunngorlugulu atuaruminarsarlugu allaqqinneqarnissaa pingaartinneqarumaartoq.

Malene Lyngep siunnersuutigaa, Utoqqaat Siunnersuisoqatigiit ataatsimiittarnissaat ataatsimiititap ataatsimiittarnissaannut siunissami naleqqussarneqartalernissaat sulissutigineqassasoq, taamaasilluni Utoqqaat Siunnersuisoqatigiit ataatsimiinnerannit imaqarniliat ataatsimiititap ataatsimiinnerinit imaqarnilianut ilanngunneqarsinnaanngussammata. Tamatumanisani ataqtigiissaarinerup tungaatigut unammillernartoqassaaq, kisianni tusaatissatut allanneqarpoq

Charlotte Ludvigsenip oqaatigaa, innuttaasunik peqataatitsineq ataatsimiititap politikianut pingaartillugu ilanngunneqarnikuusoq, tamatumunngalu atatillugu siunnersuutigaa utoqqaat ilisimasaminnik avitseqateqarsinnaaniassammata utoqqaat oqaluttuarisaaneq pillugu atuartsinerni peqataatinneqartalissasut. Charlotte Ludvigsenip aamma kissaatigaa, Utoqqaat Siunnersuisoqatigiit inuiaqatigiinni sunniuteqarnermut tunngatillugu takorluugaat pillugit paasissutissanik saqqummiisoqassasoq.

Else Lea Olsenip nalunaarutigaa, utoqqaat ullukku isumaginniffinni pulaartarnerannut tunngasumik massakkut atuuttumik aaqqissuisoqarnikuusoq. Tamatumanisani biilini ingerlatsinermut aningaasaqarneq unammillernartoqarfiuvoq.

Tamatumunnga atatillugu Charlotte Ludvigsenip oqaatigaa, ilinniartitsisut utoqqarnik qaaqquisalernissaannut kajumissaarneqarnissaat pingaaruteqartoq.

Laanguaq Lyngep ilisimatitsissutigaa, Ippiarsummut ullut 14-ikkaarlugit pulaariartortoqartartoq. Tamatumunnga atatillugu Utoqqaat Siunnersuisoqatigiivi ilisimatinneqarput utoqqaat amerlasuut biiliniq ingerlatsisartut makimasaartarsimasut siumortarsimagaat.

Ataatsimiinnermut atatillugu ataani allassimasut tusaatissatut Malene Lyngemit tiguneqarput:

- 1) Juullerpalaartitsineq
- 2) Nammineq kajumissutsimik sullissineq, pulaartarteqarneq,
"aanaaqarneq/aataaqarneq"
- 3) Busserneq

Malene Lyngep ilisimatitsissutigaa, utoqqaat peqatigiiffia sapaatip-akunnera kingulleq ataatsimeeqatigisimallugu, tamatumanilu bussimik ingerlatsisartut pissuserissaarnerunissaat anguniarlugu qanoq iliuuseqartoqarsinnaanersoq eqqartorneqarsimasoq.

Jakob Thorsenip oqaatigaa, Utoqqaat Siunnersuisoqatigiit ataatsimiinnermut atatillugu akissarsiaqartitaanissaminut massakkut pisinnaatitaaffeqanngitsut siunnersuutigaalu tamanna nutaanik ilaasortartaannginnermi eqqartorneqaqqissasoq.

Malene Lyngep Utoqqaat Siunnersuisoqatigiivisa aamma atorfillit suleqatigiilluarnarat pillugu qujavoq.

Taamatuttaaq Else Lea Olsen suleqatigiilluartoqarnera ullumilu isumasioqatigiinnermi ersarissumik saqqummiilluartoqarnera pillugit qujavoq.